

月  
滿  
樓  
詩  
集

月滿樓詩集卷十一

元和顧宗秦景嶽

受業黃焜望編輯

載酒集

戊子○余歸自廣陵既復泛舟芙蓉湖踐亦

聞陳野航之約踏歌載酒意致拳拳不減汪倫矣返吳門從諸前輩談總賦詩而朋好花時選勝亦多杯宴之樂合所爲詩名載酒集

客秦淮陳野航訂遊其亦園繼余之廣陵便與

吳使君歸吳不及過訪重九後將放舟踐約因

賦長句先寄

青溪折柳分襟日。早訂園中載酒行。爲客淮南貪月色。便歸江上逐雲程。九秋却踐良朋約。一水重尋舊雨盟。

從此放舟徐壑好。西風籬菊綻金英。

望亭舟中

日落津亭晚。蕭然客思孤。秋風寒水色。一艇下姑蘇。紅  
老遙村樹。青殘野岸蕪。當年千里望。愁煞庾肩吾。望亭舊名

御亭庾肩吾詩御亭一題望千里風塵昏即此地也

望九龍山

山如良友別。重見更歡然。空外蒼龍影。隨雲散碧天。秋  
深餘晚翠。日暮隱寒烟。便擬凌風去。還烹第二泉。

芙蓉湖

何處芙蓉湖。湖開七十里。不見芙蓉花。花落涼風起。涼

風起時黃葉飛。碧波深處白雲微。雲中仙岫隔水見。翠  
鬢十二憐依稀。我戀寒暄一弭櫂。練影嵐光紛可眺。夕  
陽孤鳥下平蕪。點綴秋湖更窈窕。秋湖如此不勝秋。憑  
弔州波動遠愁。聞說陸皮嘗載酒。至今五瀉尚名舟。袁

記湖東流爲五瀉。唐皮日休陸龜蒙時乘短  
舫載酒由五瀉入震澤。名其舟曰五瀉舟。

### 晚過晉陵

西風吹短棹。曉達晉陵城。山黛披雲出。林霜帶日明。往  
時沽酒去。今此訪秋行。十里蓉湖水。迢迢引客程。

### 季子祠

我過空祠下。蒼涼歎舊扉。高風千載重。慕義古人希。感

繫徐君。勿交深。子產衣所嗟。復命後。臣子淚長揮。

訪陳野航留宿亦園

溪重岸曲到園林。一徑穿幽緩步尋。巧石斲山雲不礙。  
孤亭浸水月先侵。鶴飛時弄花間影。魚動偏依柳下陰。  
延賞不知秋館夕。何當下榻主情深。

其二

依然覓句陳無已。却愛花前卜盞簪。申浦秋風催客櫂。  
巴山春雨話君心。時出所畫蕭湘聽雨圖見贈細聞寒漏丁東下。滿  
引清尊漱灑斟。他夕重追今夕會。懸知回首悵蘭襟。

虎邱後山

波從野岸回。時碧樹向秋山。缺處紅。惟此蕭閒。留逸趣。不須舟泊白堤東。

蘭陔草堂席上呈司馬彭芝庭先生

巨川濟了作虛舟。香山句歸老南園及九秋。花下閒情鷗鷺浦。日邊仙望鳳麟洲。遠逾疏廣東門餞。近傲知章剡曲遊。門下侯芭欣載酒。依然問字到溪頭。

其二

鯉水灣環綠繞門。明農返里總君恩。田園風月歸蒼老。禁苑文章付子孫。青岫當樓晨拄杖。黃花滿徑夜傾尊。卽今撤幕陪歡讌。蕭散應同綠野論。

和韻

長洲

彭啟豐

芝庭

老去心如不繫舟，欣看籬菊過殘秋。  
多君爭勸紅螺酌，媿我閒棲白鷺洲。  
閣外遠山時獨對，池邊古樹好同遊。  
軟紅塵裏簪裾客，誰踞人天最上頭。

不驚猿鶴返柴門，每炷清香矢報恩。  
架上遺編思述祖，堂前肯構待貽孫。  
重開逕草延三益，偶對林花試一尊。  
世事悠悠雲過眼，孝標休廣絕交論。

中和院六詠次卞近村韻

古柏

點蒼含翠古枝橫，白晝空庭烟霧生。  
却憶岱峯看漢柏。

題詩會過泰安城

周公井

院爲周喻故宅故井猶存  
明郡人周南老名之寒泉

寒泉亭土汲寒泉名記周郎重往年  
彷彿峴山王粲井  
依然冰斃鑿霜天

仰高亭

隔岸爲范文正公祠蘇  
守魏觀以仰高名亭

范公祠字仰芳馨隔水偏教搆草亭  
憂樂獨關天下計  
辨香千載有前型

小匡廬

明羽士  
柏庭建

訪仙自有白雲居回首春風玉局虛  
願向香爐參秘笈  
廬君廬下亦吾廬



桂香殿

汪錢翁允悔庵嘗于此結詩文社

繞角涼風舊殿幽。昔賢裙屐此淹留。小山勝處堪招隱，好賦淮南叢桂秋。

澹寧草堂

文待詔題額

題筆衡山墨彩濃。停雲風雅可希蹤。澹寧自合陶人抱，何必清狂學嗣宗。

中院既詠古蹟六首。越日同韓生梅坡陳生雪岑往遊。即贈退庵。正常兩道侶。

入門翠柏勢千尋。招隱偏宜玉洞深。但許神仙分世界，何妨城市即山林。院在部廟井潤碧木周郎跡。殿繞清芬

客吟此夕羽衣能好古。我來別賞寄蕭森。

至日題九九消寒圖得十六韻

一陽回六琯。九九兆今宵。小篆芳梅瓣。徐分白雪綃。先  
春攜彩筆。計鵬寫仙寮。素影和烟染。清姿帶月描。風番  
看。日。日。花。信。認。朝。朝。似。繡。添。紅。線。如。萼。長。翠。苗。漸。知。生。  
意。轉。疑。有。暖。香。調。手。底。江。南。驛。窗。前。嶺。北。條。最。憐。粉。本。  
秀。學。逐。蘚。痕。凋。紙。帳。偏。禁。冷。冰。簾。欲。助。嬌。晚。妝。難。借。點。  
曉。夢。若。爲。招。澹。艷。潛。欺。柳。幽。芬。暗。鬥。椒。迎。年。傳。綵。燕。做。  
節。展。雲。翹。爭。說。佳。辰。勝。何。當。雅。韻。標。細。皺。丹。研。醮。重。數。  
錦。燈。挑。譜。盡。韶。光。滿。寒。消。意。也。消。

相馬圖

滿身雲散五花開。控出星闌上玉臺。不遇九方能鑒別。誰知倣儻是奇才。

儲餉圖

滿陌秋風吹綠蕪。花前儲餉看提壺。吾生樂事西疇足。寫出詩人依媚圖。

泉石圖爲張雨亭題雨亭善鐵筆

蕭森墨落剡溪藤。好看烟雲筆底興。畫意若教通象意。水流山峙李陽水。

沈旭岑歸自都門贈

升沉眼底不須論。襪被言歸鯨。水濱君悔東坡知李廌。  
余嗟承吉遇元稹。廣韻側隣切。稹韻之人切。詩歌且乞江山助遊興。  
寧孤梅雪春。便擬莫釐同眺望。泛雲一訪五湖人。時訂洞庭

之游兼訪  
邱蘭莊

和韻

長洲沈杲之旭岑

南柯一局夢中論。歸傍黃蘆古渡濱。重合風騷傾魯酒。  
還從博雅訂齊稹。眼前花月何曾老。胸次烟霞總是春。  
且共長歌泛槎去。仙源未必笑遊人。

題仇霞邨印譜

金錯紅文各有宗。多君筆勢控游龍。昔年雨雪山東道。

會見秦條秦岱峯

招王條山沈旭岑蔣檢亭陸璞堂葉蕉溪集月

滿樓疊積字韻

祇將風雅共談論。小集簪裾斐水濱。偶乞王濛分茗苑。

還從郭璞辨苞種。

種字平仄俱收其義分見于周禮毛詩爾雅文選諸書時與旭岑辨論再

三舊遊休戀燕山月。清興將探吳岫春。十日梅花千里

客。

旭岑至自蘭門條山至自刑上檢亭至自雲間

一尊先約眼中人。

韓半瓢招飲余未赴。却寄仍疊積字韻

清樽想共故人論。吾輩生涯雲水濱。探得銀鱸裁細脰。

收將香稻剪蓬積。自憐病臥袁安雪。未獲歡遊山簡春。

他日尋韓還踐約。浮家同作看花人。

同訂遊洞庭

元和黃明府招飲席上賦贈

公度清名自夙聞。仁風扇處有餘薰。文章薊北推才子。政事江南識使君。長坐香幃宵製錦。寧支手版曉看雲。卽今堂畔梅花放。好乞陽和滿縣分。

其二

此夕香傳漢署新。南來風雅羨扶輪。遠追祖德常思謝。令祖崑圖先生近。慰民懷。豈讓荀。百里江山排鳳羽。三寓吳垂十年。年雨露灑花辰。每依燕寢叨歡宴。還許賡吟畫戟春。

上元前一日集春雨山房探梅偕條山近邨作

卽次條山韻

年來山水游江南。我牖戶蓉湖看春雪。青溪聽暮雨。

容暨陽借鸞灘璞函逸亭條山麗農滿汀賦山茶乙酉

客秦淮借星巖少華少林條山蓉村雅堂復堂韋絃虛

庵芴邨望樓永齋雲濤石嶺集木去歲平山堂重尋風

榭修禊賦詩回首前遊宛如昨日

月主芳蘭若可紉。叢桂伊誰樹。每眷景物清。長餘氣誼

古。別來歲已深。破牖寒英吐。千里江南春。欲贈渺前浦。

扁舟昨夜來。忽喜萍踪聚。佳辰集。良知飛盞籌。忘數巡。

擔一笑。生倩作梅花譜。東風竹外枝。那許群花侮。便期

小香雪。

在蜀晴波訪幽澗。吟月韻瀾清。探雲興猶鼓。喚

彼懷居人。終年守衡宇。

春雨用白香山溪中早春韻

連朝春雨多消盡雪姿白芳花未舒紅新草已滋碧生  
意隨東風吹處寒水折感此清景幽肯把佳辰擲一尊  
聊復持孤懷寄泉石間令名心忘淨免龐言噴疎簾盡  
日垂烟容澹將夕吟殘進晚餐春孟和香麥

徐山以官署即席詩索和因走筆次韻并東鴻

城明府

月滿瑤階花滿城筵開官閣動詩情一年舊雨尊前聚  
咫尺春風句裏生謝尚舞鸚鵡鶴好許渾歌愛鷓鴣清  
使君高燕容賓醉樺燭飛光澈夜明



其二

早鶯取次囀春城。香署還饒烟月情。移漏花前銀箭永。  
彈槽雲外玉塵生。政兼風雅聲彌遠。會有絃歌韻更清。  
座上何人翻樂府。黃河一曲記分明。

王夢樓侍讀以詩見眎賦句寄懷

扶桑照耀久知名。天末雲停江上汀。遠道枉貽青玉案。  
雅宗重仰綠莎廳。雞林萬里推才子。龍甸三年頌使星。  
載酒會須傾素抱。金螯何處望山屏。

其二

落拓江湖歸去來。自憐往夢逐塵埃。淮南夜雪枚臯里。

剗北春風郭隗臺。玉佩瓊瑤懷大雅。蟲雕篆刻愧無才。  
漢宮傳遍王褒賦。敢向騷壇問綺裁。

與旭岑訂洞庭之游作詩相促得八十四言

不遊洞庭山。未嘗見山水。夙昔聞斯言。便欲拂衣起。却  
緣塵俗羈。天外空仰止。具區百里間。乘風半帆耳。凌雲  
願一遊。招要二三子。我昨披圖經。包山巖無比。七十二  
芙蓉。高峯特秀峙。龍穴對雞籠。翔空弄霞綺。飛仙折而  
南。拋壺勢邈遙。遙望若一峯。分峯散金紫。隱隱湖中山。  
遠揖烟波裏。就中林屋幽。仙踪溯太始。谿衍石室開。窈  
窕銀房啟。若然一線天神鉅。駭水底。陽谷互交通。陰雲

紛。飄。飄。風。吹。白。芝。香。露。洗。金。沙。彩。何。年。大。禹。跡。素。書。藏。  
 碧。凡。元。衣。夢。有。無。靈。威。事。奇。詭。後。來。好。古。流。往。往。叩。真。  
 宰。佩。獸。持。金。鈴。探。關。恣。搜。采。側。撲。松。炬。明。旁。飛。玉。鼠。馱。  
 此。肩。仙。所。都。遙。憐。光。怪。在。洞。邊。石。勢。紛。飛。走。盡。可。喜。牛。  
 羊。飲。而。垂。犀。象。臥。而。圯。更。幻。公。姥。形。斗。入。湖。之。沘。其。餘。  
 不。一。狀。重。岡。若。徙。倚。左。接。莫。釐。峯。一。角。橫。交。倚。居。民。有。  
 古。風。仿。佛。桃。源。似。梵。宇。交。仙。宮。農。邨。雜。花。市。種。植。收。常。  
 租。橘。柚。及。桑。梓。何。當。卜。隣。住。窮。山。歷。顛。趾。憶。昔。走。南。北。  
 遨。翔。渡。淮。海。泰。嶺。攀。崇。隆。徂。徠。挹。歸。罪。入。燕。眺。西。山。嵐。  
 光。出。爽。塏。涉。江。踐。金。焦。良。嶽。問。蘇。米。天。闕。雙。門。窺。樓。霞。

千佛禮名勝必登陟貴遠竟忽過豈知鄉邑間洞天有如此刺促不稱意塵寰馬與指何弗火速行勿負逍遙旨春雨催梅花山中信美矣空山每笑人不游翻手悔

陪宮傅沈歸愚司馬彭芝庭宮洗韓滌芳三先

生暨諸同人集若初晒章昆仲結蘅草堂越

日芝庭先生賦詩見眎次韻奉呈

淡蕩春風簾幙多追陪禮數不須苛人如洛浦傳高會韻比旗亭聽緩歌人日初逢詩寄杜官梅將放興憐何卽今尊宿留題處花萼堂開訂重過

遊海湧峯登小吳軒

平遠盡可矚所患處不高登軒一倚檻萬態窮緘毫地  
臨虎阜勝勢覺天容超羣峯列小案孤塔當疎寮雲斷  
露湖影練白依林梢斜陽落未沒歸鳥翔還翺是時春  
二月芳草繁晴郊晚風一以至新翠平疇交揭來縱遐  
眺眼界空清寥願日假僧榻長嘯凌層霄

和浦鶴天自題梅花村詩韻

滿溪積雪滿溪烟處士風流繼往年君與梅花應有約  
合依山水結清緣

其二

白沙翠竹羨江村况有芳梅逗月痕消受嫩寒人索笑

每採花信自朝昏。

其三

擅得詩人冰雪腸。最憐疎影過銀墻。開時獨向溪橋立。  
微覺春風流水香。

其四

白雲有影倚風斜。此是山中第一花。他日訪君湫水上。  
枝南枝北欲移家。

月滿樓詩集卷十二

元和顧宗泰景嶽

受業王麟書編輯

蠟屐集

已丑 吳中西山擅勝而春雪探梅尤勝余  
是年不賦遠游勝情勝具寄諸蠟屐司馬芝  
庭先生爲余題詞歎爲虎頭豪興跌宕凌雲  
媿不敢當興略可見矣時有花神迎送曲山  
中人艷歌之合前後  
所作同名蠟屐集

瀆川道中

十里香溪路飄然泛野航夕陽遲遠岫春水緩芳塘村  
琢雲中石家栽花外築此間如卜宅應抵武陵莊。

泊善人橋投宿清輝禪院

帶雨投蕭寺。偏憐香閣清。梅花如散雪。入夜幾枝明。坐  
久聽僧語。更長轉漏聲。來朝探山去。好待萬峯晴。

馬駕山夜眺

拂衣直上白雲岡。清夜同遊逸興長。花澹千林迷月影。  
亭虛四面受湖光。此間別占羣峯勝。有客誰如我輩狂。  
堪笑人生幾兩屐。閑情肯爲探春忙。

青芝道中

路入青芝曲。行行空翠邊。老僧歸竹院。春女儘花田。薄  
靄斜籠日。微陰澹帶煙。吟筇間拄處。橋外聽流泉。

自姚家湖。歷柴莊。嶺米堆山。遂至元墓。登還元



閣

舍舟上湖濱。仗策過蕭寺。黃緣蹕山村。林壑互幽異。既  
眇秀嶂重。亦翫春泉媚。梅花入寒雲。閨香心已醉。衆山  
厯崎嶇。元墓見森邃。天空露孤青。崖開擁晴翠。遂登古  
道場。搜奇拓遠思。陟梯抗層樓。凌飈俯大地。下瞰長湖  
光。平溢喬林際。蒼茫蕩夕曛。浮景但一氣。佇賞紆勝游。  
回踪屢晚企。曾是櫻俗襟。馳情發長憶。

銅井

青芝不一里。磊磊銅井山。捫蘿上雲崦。小憩盤石間。酌  
泉不知夕。梅花相與閒。上有巖洞其溜漚而爲泉

西磧

羣山如髻鬟。效媚向西磧。採芳不厭深。衣袂香氣積。月上佇幽林。花杪一痕白。

彈山

彈山接青芝。枕湖露崖崿。光景變陰晴。曠望入寥廓。欲收萬頃波。七十二峯閣。

潭西

天海春迷茫。到此更奇絕。萬梅聚一塢。滃然香氣結。恍惚如夢游。不辨花與雪。

西磧山麓小憇香岵庵

山行犖嶮扶寒筇。偶然小憩何處鍾。香岵庵前萬梅樹。  
白雲橫斷八九峯。

鐵山寺追題耕煙上人觀瀾圖次尤西堂先生

韻

白雲深處足幽栖。雪濺清湍衆壑西。不分春風成小劫。  
畫圖好認昔賢題。西堂詩久向梅花深處插。何年挾杖到江西。峇松瀑布匡廬物。挑取歸來

作畫  
題

登茶山歸眺六浮閣同近村旭岑倚竹作

登涉不數仞。盡攬湖山光。所踞得其勝。天界空青蒼。回  
首白雲白。花繁失村莊。寒香爭獻媚。卷石收羣芳。南墩

六。點。浮。杯。撲。羅。案。旁。環。湖。蕩。銀。海。浴。翠。鬣。斜。陽。此。景。不  
 多。觀。逸。興。凌。虛。翔。歸。愁。孤。閣。為。緬。高。風。長。古。賢。不。得  
 就。猥。待。清。河。長。李長齋欲建六浮閣於茶山不果本朝  
 張氏松園成之筋詠名流會極一時之  
 盛。今。閣。又。青。山。自。終。古。此。閣。仍。荒。涼。拂。衣。一。長。嘯。皓。月  
 荒。頽。矣。升。西。廂。

遊逸園卽贈程在山

不。向。孤。山。尋。處。士。却。從。鄧。尉。訪。幽。人。白。雲。深。處。九。峯。隱  
 黃。鳥。來。時。二。月。春。獨。有。檠。阿。堪。繕。性。更。無。城。市。可。羈。身  
 浮。名。甘。讓。簪。纓。貴。底。換。巖。居。歌。嘯。真。

其二

林翠湖波畫不如。山中吾自愛吾廬。三春閒訂梅花譜。  
萬頃奇翻笠澤書。北牖眠雲移小榻。西牕留客剪新蔬。  
此間寄傲無他事。一笑悠然塵網疎。

其三

澹石襟懷物我齊。况兼樂事足幽栖。許渾句裡奇童子。  
秦系詩中老逸妻。膝下秋聲偏解賦。用五代史徐鉉十歲賦秋聲詩事

案前春雪並留題。用世說謝太傅問白雪道一門風雅。  
蘓遂詠柳絮因風舞事

人間少消受。煙霞花嶼西。

其四

落日還登騰嘯臺。青浮七十二峯來。一區風月留高士。

戶部老言集 卷一 一  
千古松蘿老俊才。作達羨君吳岫住。拂塵愧我薊門回。  
明朝更擬探林屋。歸棹重過共舉杯。

花神送迎曲

西山村民率以花朝祀花神。余探梅入山。見  
陳旉設醴。士女若狂。爲作迎神送神曲。

霧。霏。霏。兮。散。雨。風。飄。飄。兮。吹。雲。曳。華。衣。兮。佩。玉。神。之。來。  
兮。花。辰。花。辰。兮。春。午。花。繁。兮。佇。南。浦。索。筵。簞。兮。卜。靈。氛。  
擗。蕙。擗。兮。會。靈。舞。美。人。兮。翾。飛。翔。蹇。將。愴。兮。升。瑤。堂。薦。  
瓊。簾。兮。蘭。藉。酌。桂。醕。兮。椒。漿。神。欣。欣。兮。康。樂。眷。東。君。兮。  
冥。陰。不。作。孰。華。予。兮。庇。芳。菲。山。中。人。兮。終。古。此。花。開。花。

落

右迎神曲

神。要。眇。兮。宜。修。聊。逍。遙。兮。夷。猶。安。紫。壇。兮。蒸。麝。調。絳。瑟。  
兮。吹。簫。篳。篥。娛。景。光。兮。日。暮。托。嬋。媛。兮。通。懔。祝。羣。花。兮。壽。  
官。羌。風。姨。兮。莫。余。妬。邀。神。祝。兮。昭。昭。拜。廡。門。兮。睇。清。霄。  
靈。旗。蕤。兮。將。逝。山。香。歌。兮。回。鸞。鑣。芳。筵。徹。兮。芳。鬻。襲。神。  
樹。昏。兮。神。鷗。集。女。巫。媵。兮。忘。歸。紛。傳。芭。兮。露。華。濕。

右送神曲

登穹窿山望湖亭觀雲

黃山雲海天下絕。我未嘗見心慕之。渴來銅嶺走大剗。

雲山吞吐忽發天工奇。此峯接霄漢。陽山低亞目。雙眩  
上有孤亭瞰震澤。七十二山列几案。是時陰雨方冥濛。  
白雲變幻迷高空。千崖萬壑蒼翠失。但覺銀光混炫如。  
入馮夷宮似天非。天水非水傾洞一氣化。元海彷彿蓮  
華六六峯。搖蕩雲龍仗。真宰剗然一笑無。五湖三茅浮  
笠俱模糊。便恐失足墮空谷。安得金丸返照放出千芙  
蕖。不知身在鴻蒙裡。颯沓罡風何處起。帝鄉咫尺定可  
期。我願追從赤松子。

穹窿山一名銅嶺越絕書  
爲赤松子取赤石脂處

題雲窩贈張翼蒼

此窩安樂地。久住禮茅君。別占一峯勝。全收萬頃雲。赤



城誰舉似黃海若爲羣。領取仙鄉趣。棲真遠俗氛。

登閭風閣訪蔣偕公道士不值

拄杖偏宜最上頭。羽人何處訪丹邱。四山春雨空侵牖。  
終日奇雲不去樓。欲與黃庭參內景。誰將紫字寫靈修。  
古藤花發烹泉水。綠結煙霞擬再遊。

靈巖雜詠

館娃宮

山中館娃宮。年年芳草綠。白紵舞何人。樵歌度空谷。

響屧廊

寶屐踏繁花。回步自凝想。却愁梧雨秋。落葉和幽響。

西施洞

一舸逐鳴夷。君恩誰復顧。古洞記芳游。曾此行雲暮。

吳王井

越兵已沼吳。石發剝寒井。千秋水一泓。嘗照宮人影。

琴臺

美人橫玉琴。揮手坐幽石。至今想遺音。謾謾松風夕。

玩花池

春水繞芳池。吳王花下醉。夜烏啼不知。水流花已墜。

石射棚

誰知金縷帽。便抵銀花箭。石棚淒雨宵。深宮自歡宴。

劉船塢

瀦水習水嬉，龍舟下芳沚。不奈劫灰寒，春風怨羅綺。

支硎山覽放鶴亭馬跡石各詠一詩追和范石

湖韻

臨硎山畔舊亭基，碧徑春深夕照微。鶴與道人俱不見，空林惟有落花飛。

西竺馱經亦遠哉，至今片石足低徊。世間神駿誰憐得，甘伴高僧歸去來。

中峯蘭若訪念上人

一徑滴疎雨，入門春翠深。花香空有色，潭影澹無心。自

足田衣趣常餘仙梵音。當年蒼雪遠猶得訪幽岑。

蒼雪  
徹公

工詩昔於中

峯開講席

### 寒山懷趙凡夫

昔作愚公谷。今留居士雲。清風無價買。秀壑與山分。婦  
子曾偕隱。孤高亦罕聞。寒泉遺句在。爲詠挹清芬。

### 天平山白雲泉追和白香山韻

風寒石磴瀉春泉。相對端宜午院閒。那許清流供俗飲。  
白雲終古翠微間。

### 謁范文正公祠

仰止清風峻。千秋學士祠。孤忠獨自矢。朋黨更何疑。憂

樂中朝策安危。西夏師山空。排萬笏特立想當時。

清明宿胥江驛館同梁瑤峯先生作

梅花初謝杏花紅。百五春光轉眼中。輕騎新傳官驛火。  
短旗斜漾酒樓風。介山往事重相憶。胥水寒波竟自空。  
魏書子胥沉江未有絕。憐我今宵江上宿。孤懷落落拓寄  
水之事令人不得寒食。

吟筒

上巳游石湖賦竹枝詞四首

水上桃花紅可憐。水邊楊柳綠爭妍。行春橋畔春三月。  
齊放吳孃上巳船。

其二

一。潛。溪。水。入。晴。湖。倒。映。嵐。光。似。畫。圖。西。子。扁。舟。從。此。去。  
蘇。臺。不。管。委。春。燕。

其三

鴻。鶻。鴉。鵲。滿。碧。波。凌。風。人。唱。采。蘭。歌。畫。橈。爭。愛。湖。心。泊。  
窈。窕。虛。亭。夕。照。多。

其四

胥。塘。過。去。是。橫。塘。指。點。楞。柳。翠。色。蒼。誰。按。尊。前。小。海。曲。  
韶。華。如。水。斷。人。腸。

題詞

長洲  
彭啟豐  
芝廡

潭東潭西花塢深銅坑銅井山崎崮今年梅花苦春

兩行騰未辦空勞心虎頭豪興真可喜  
芒鞋竹杖來  
邈迤六浮閣上俯湖光七十二峯渺煙水更訪名園  
處士居開軒留客剪佳蔬閨中唱和尤難繼世上簪  
纓那得如恰遇花朝蕩蘭槳歌聲跌宕凌雲上明年  
此日好重過花神有約償清賞

少司寇周海山先生寄跡海東集題後得四首  
遙識天邊使曾乘海外槎九州同赤縣一線望中華  
曙拂扶桑日宵迎鬱島霞簡書將論遠詎獨壯遊誇

其二

龍節銜恩去南臺放鷁舟風雲驚出險沙嶼快安流長

嘯仙門驛高吟辨嶽樓木華猶卷舌未極海東頭集中於南

臺拈香便發封舟舟出洋過水仙門辨嶽則琉球國中山慕中華五嶽而名也

其三

不識波濤苦宣威到大荒舊風諧月令前使徐澄齋太史月令一卷

新禮靖蠻疆水積星辰近城低龍虎藏國城外石巖勒虎萃龍岡四大

字弓衣分織處詩出服雲章

其四

此行真不辱萬里峭帆回遍灑波臣澤羣傾漢國才煙光鰲背遠虹影鬩身開歸復皇華役裁歌耀上台

芝庭先生招飲逸園賞芍藥卽席賦詩次韻



西堂聽雨更看花。仙藥初開錦幄遮。秀影當池偏照水。  
穠姿倚檻欲烘霞。歸林樂事經邱壑。點筆閒情愛歲華。  
朱網深沉裁麗句。翻階那羨謝詩家。

其二

延賓花下綺筵開。婪尾春催仙侶來。北郭依然聯帶袂。  
南園重又敞亭臺。不矜白傅封詞罷。香山有草詞畢好  
詠芍藥初開詩好  
似韓公醉賞回。見後山  
叢話自媿吟芳才思淺。叨陪杖履坐

香苔。

原韻

長洲 彭啟豐 芝庭

薰風飄盡洛陽花。傍砌重重笑靨遮。紫朶昨宵含細

雨紅英亭午爛明霞。阿姊被酒偏嬌媚。侍女朝天門  
麗華名種經年勤護惜。南園好景屬吾家。

其二

蓬蒿不剪半扉開。鶴髮朱顏得得來。但設清尊栽麗  
句。肯教塵夢憶豐臺。春殘錦帳歌千疊。雲護霓裳舞  
一回。老去幾人能自逸。閒拋筇竹坐莓苔。

吳魯齋明府來泊元和相見出眎詩冊屬和韻

次冊中江都誌別詩韻共五十六言

鶯啼花滿春夏交。使君戾止捐煩惱。文章巨伯神明宰。  
餘事兼作詩中豪。一編出眎揚州詠。光芒照眼詞鋒高。

祈雨之篇隱憂切。躬親祭。零忘其勞。一宵蘇困。降甘澤。  
民情安集。除蒼孽。仁聲仁問。政不一。獨以撫字。偕州曹。  
新歌更被絃歌化。風移東序。兼西膠。陽春有脚。彼都去。  
九龍山下。迴慈颺。昨朝鳧鷖。到吾土。弱民知戴。強無驕。  
余忝雲霞。夙契好。西窗話雨。金鑪燒。憶昔百花洲。上聚。  
快如韓愈。同孟郊。奇文辱析。脫錦段。清暉快覩。依烟霄。  
典酣爲語。西游壯。搜羅蒲阪。求耕陶。烏鼠山。南看雁影。  
涼州一曲。揮蒼毫。十載江頭。作小別。公至往往。招由敖。  
卷畫波池。詠雪棹。邗溝柳絮。吟鵝毛。昨秋讌我。蜀岡上。  
塵客頭玉。俱嶢嶢。襖飲風流。去不遠。飛觴醉月。紛謹噉。

此處歐蘇歌詠地未得卜宅。誅荒茅。但從大雅結襟袂。同人更合中孚爻。嗟余落拓青衫客。江南江北行江皋。蓬萊亦曾問弱水。扶桑未及攀洪條。太白酒樓一樽酒。芥舟空視浮堂坳。知君感君重意氣。清歌別贈千瓊瑤。今來茂苑重握手。好隨載酒忘清寥。人士之慶亦私幸。方如暖旭臨寒梢。轉歎往時百里隔。蒹葭秋水空長潮。公餘生嘯許廢詠。知音愧及孤桐焦。

蓉江秋眺圖爲雲間廖古檀明府題

秋江一碧秋波清。芙蓉隔浦開繁英。濕紅墮水不可撥。片片疑是殘霞橫。使君公餘愛幽賞。搗來肥水謝塵鞅。

小坐江頭把卷吟。凌雲逸興空凡想。愧余來年散酒行。  
淮南薊北無時寧。舉芳木末悵騷客。涉江誰贈迴吳舫。  
却憐明遠臺前路未得。追從倚日暮。孤山何許講林巒。  
巢湖幾處縈烟霧。今披圖卷足清遊。蕭然寄傲似滄洲。  
柳州湘岸何須數。誰似風流一望收。盈盈湘西岸秋至  
風露繁柳柳州句

寒香雅集圖爲古檀題時從閩中寄至

古檀當今大雅宗。結交到處成雲龍。尤敦舊契耐久遠。  
寒香一集千秋風。卷從海嶠寄江上。屬余題筆寫高尚。  
開縑動色笑。語生一一鬚眉露。情狀竹溪之數共六人。

上卷卷之三  
年一  
二  
三人執拂一袍紳。一人采芝兩攜卷。主人蘭臭交相親。  
蘭亭西園誰許續。此會異代追芳躅。惠莊僑札何如人。  
得意題襟逸流俗。風流雲散感十年。重懷舊緒一惘然。  
賦鵬有才嗟既遠。餘散吳越兼齊燕。顯晦離合亦偶爾。  
何時再聚數君子。此圖便是雞壇盟。風雨對床胡不喜。  
慚余湖海多知交。江南江北論風騷。燕市酒人淮浦客。  
會聚往往如投膠。惜無丹青譜圖畫。尊前燭下追清話。  
停雲延佇爲八荒。轉瞬年華亦云邁。卽如閩島遠芝顏。  
一時引領空江關。披圖讀記宛覲面。天南何處南金山。  
他年吟舫歸三泖。觴詠重開續永好。倘容結佩共清歡。

載酒應從子雲老

南金山在福安州城南

聞川宋蘭城仿竹垞先生體作權歌一百首沈芥舟爲繪聞川泛權圖寄卷索題因賦八絕

句

十里荷花十里蘋鴛鴦湖上波粼粼紅船蕩水權歌去竹垞風流有替人

其二

聞川堤外波連天聞川堤內雲如煙稻花風起紅日落泛秋網得鱸魚鮮

其三

十四十五雙雪兒與郎打槳隨郎歸采菱一曲清唱遠  
驚起白鷗拍拍飛

其四

鳴漪亭接垂虹亭橋南橋北秋波清當年羨姜白石  
小紅到處聞簫聲

其五

生憎汾湖南去水半入吳江半秀州但願浮家向川上  
長伴青篔秋雨秋

其六

三高亭子波彎環踈風楊柳不可攀解人只有范少伯



西子扁舟往復還

其七

解舍漁莊多復多。四面青山如黛螺。江南煙景此間好。阿誰載酒年年過。

其八

聞川雲水澹欲無。清歌欵乃興不孤。尊前那愁處士少。茗上妙手傳新圖。竹垞詩安得家家尋畫手。笳堂遍寫讀書圖。昔人題句謂只少松陵朱處

士屏風八尺寫新圖

廖古檀明府自閩中以詩寄懷并惠蘭茗原詩

用邵西樵明經梧巢韻因仍疊前韻却寄

昨夜秋聲動碧梧。感君千里憶姑蘇。人臨閩北寒雲遠。  
書到江南旅雁孤。細品芳蘭黃管直。雅詣香茗蔡君謨。  
何當惠我瓊瑤似。最合心知臭味孚。

其二

海中仙樹鳳爲巢。翹首風烟望素交。大姥山高環翠嶂。  
長溪水遠注雲坳。直教登陟奇懷散。每托歌吟俗慮拋。

詩話一編添韻事。寄來江閣敢推敲。

時示詩話

送蔣臨臯州牧之任膠東卽次留別詩韻

十年香署羨神仙。南國爭知使者賢。雅望獨高長史榻。  
清操不愧隱之泉。花前人愛江山助。月下朋憐翰墨緣。

此夕鶯遷添別思。華轅士女盡依然。

其二

襟懷每憶習池徒。管領風光愛宦吳。仙嶂叢梅尋鄧尉。  
寒潭修竹問凡夫。簾垂每坐敲棋石。衙退常攜煮酒壺。  
逸興飛時清嘯發。句成陶謝不枝梧。

其三

留別新詞度巧梭。何妨到處被詩磨。他時海禱蓬萊市。  
東坡知登州。歲晚不復見海市。禱于海神廟乃得見焉。昨夜書除鶯鳳羅。遊記半  
生屏嶂壽。白香山詩仍聞好事者將我畫屏風。曲教三疊樂人歌。淮南山  
影膠。東水遠。道縈情千里波。

其四

葉落霜濃遠樹平。臨風駐轍若爲情。紅橋四百昌亭郭。  
翠驛三千卽墨城。久戀此鄉呼佛子。忍教彼郡頌神明。  
春風有脚須重到。遺愛從今望仲卿。

循吏傳朱邑字仲卿所蒞人民敬愛

送廣文王晉亭同年歸婺源卽次其留別詩韻

深秋寒入雁聲長。悵別南園促晚裝。黃葉黃花看瑟瑟。  
江風江雨聽浪浪。冷官人去蘇湖郡。清句詩傳冰雪陽。  
漫說繞朝曾贈策。送君從此憶殊方。

其二

世路依稀上水船。黯然此別短亭邊。雪泥鴻爪憐今夕。

花繞鶯啼夢。往年慘淡欲辭吳。樹岫青蒼遙指楚。雲天

邊期話雨。聯香袂。同倚金臺落照前。

君來春將游。荷門余亦當北上。

小春二十四日家魯齊招同蘭渚太史條山明

經近村處士泛舟白堤卽席分韻得南字

西風何處菊花潭。綠水橋邊得縱探。夢繞玉堂歸薊北。

人聯詩國醉江南。

香山詩云。境幸吟咏真詩國。興入笙歌好醉鄉。詩國言蘇州也。今集白堤

多名流故云。

滿林黃葉山光隱。極渚紅霞塔影涵。逸興飛時

雲唱遠。尊前遮莫付何哉。

座有歌者。

施功園招同諸名流集胥江舟次讌飲卽席分

賦

雲水空明泛畫船。風流齊拂五花筵。夜深月影兼江影。  
興到詩仙盡酒仙。玉爵醉揮吳秘監。竹枝高唱杜樊川。  
却憐人別淮南北。後會重聯更幾年。

時座上蔣臨臯州牧將赴膠東程蘭

潛太史將歸真州

古詩四章輓歸愚先生

猗維我夫子。巋然魯靈光。昊天不憖遺。星精遂淪亡。榮  
生而哀死。帝心重憫傷。作詩更隆禮。賁典輝江鄉。千  
古感知遇。素旌能具詳。小子復何言。耿耿擢中藏。獨有  
淵源意。心喪永難忘。啟殯哭寢室。請業追門墻。吁嗟念  
疇昔。拊痛空徬徨。

其二

昔者韓昌黎文起八代衰亦維李與杜詩筆光芒垂元  
音繼正始斯事人維持夫子起熙朝積學培根基爛然  
經史光六義摠精思巨刃摩碧漢鯨力穿溟池餘波謝  
綺靡風雅身肩之下爲士林仰上爲天子知文章有  
元氣讀者孚心脚立言真不朽津逮無窮期

其三

人師不易得夫子今大賢河汾盡房杜英俊俱開先獨  
媿親承久載酒從談宴袂衣侍講席剪燭依詩筵妙緒  
相與析奧旨靡弗宣有作俯命和得解還怡然高軒時

戶部相言身  
卷十一  
一  
復過杖履迎花前。更感知已意。獎許尤纏綿。推激在風雅。匪直私情專。典型忽云逝。驚摧伯牙絃。涕泣望雲海。何處追成連。

其四

自古皆有死。詞宗獨千秋。碩望香山社。人瑞蓬萊邱。著作關世運。天下傾荊州。高探星宿海。永厯江河流。遙遙古作者。遠紹兼旁搜。夫子又何憾。身去名常留。却悲門下士。師表將焉求。靈楹望梓里。仙轎降平陬。區區負土心。加絰依靈幃。含言言哽咽。聊以陳離憂。

題廖古樞小青遺真記



崔徽風貌卷中描。更寫芳情按碧簫。不獨玉人空谷裡。  
斷腸往夢記花朝。空谷玉人有小青序。題於崇正甲申花朝。

其二

可憐芳樹並嗟稀。小青原序生有姪芳。樹才色不減於青。回首紅顏百事

非。再世鵑啼傷薄命。風流債續邵飛飛。康熙時閩中邵飛飛爲羅侍御

妾亦以妬不得志作薄命詞三十首中有云蜀魄啼殘不忍聽。斷腸最是雨淋鈴。紅顏千古同悽惻。我又如斯。

勸小青事載趙吉士寄園祿錄

其三

唐窈清魂傳改嫁。療如羹傳奇。以青改嫁。豈知瘞玉有餘芳。牡丹

亭畔春風杳。恨我多情杜麗娘。小青詩冷雨幽窻不可聽。挑燈閣看牡丹亭人

間亦有癡手我豈獨傷心是小青又空谷玉  
人序青墓在孤山間共死實以讀牡丹亭故

其四

底事韓郎盼陌頭章臺見說亦堪羞夕陽死剩桃花塚  
抵得生前燕子樓

其五

倩女情深可奈何鏡湖湧淚濕香羅清詞半曲南鄉子  
消受。慳。慳。夜雨多。  
劉無夢得小青南鄉子詞賤僅有三  
句云教得慳慳夜深兩無多也只得  
一半工夫

其六

金縷年華最怡神。嬌嬈着意寫真。眞風前灑盡梨花酒。

要。奠。人。間。失。意。人。

月滿樓詩集卷十三

元和顧宗泰景嶽

受業陳雲編輯

青溪集

庚寅是年余將北上去臘劉石菴先生訂

往青溪寄所臨古帖及玉水注以爲贈因賤

前約過潤城下榻王夢樓侍讀柿葉山房留

與諸名流看山飲酒作平原十日叙流連久之乃去編詩名青溪集

花朝虎邱道中時將之秣陵

人生幾度百花朝。吟舫經過綠水橋。小別鄉園殘夢繞。半留春信旅魂銷。遙從白下尋芳渡。會對金焦聽晚潮。却憶去年逢此節。探梅西磧訪僧寮。

金陵舟中

片葉輕帆剪曲漪。蓬牕欹枕自哦詩。幾家屋角春雲補。  
一帶橋樁碧柳支。客邸韶光容我戀。舊游良友耐人思。  
芙蓉湖上扁舟過。乘興偏殊入剡時。

抵潤城王夢樓侍讀留榻柿葉山房卽招飲于  
江上練光樓樓爲趙桐門道士所居余昔年  
曾信宿于此追維舊游宛如昨日席上賦得

四韻

一江霽色更登樓。裙屐招邀作勝遊。斜下亂帆紅日外。  
遠浮春樹碧雲頭。十年留榻疑殘夢。二月逢花觸舊愁。

彈指半生重過此，莫教容易別仙洲。

和作

丹徒

王文治

夢樓

偶借春光一倚樓，頓令才子感前遊。  
十年殘夢俱鴻爪，萬里歸人乍白頭。  
流水無情還惜別，名山有酒便銷愁。  
拂衣更向滄江笑，何處雲天是十洲。

繼作

上海

陳榮

雲軒

名流話雨羨登樓，却悔塵緣未共遊。  
滿眼春山圍檻外，接天綠水漲江頭。  
題來雲樹皆成畫，吟盡鶯花不入愁。  
對酒放懷身世濶，佇看勝事續瀛洲。

鮑雅堂舍人招飲北固山先子江樓，遲客有作。

卽和原韻

北檻留情處。依微曉夕。曛江聲。全入樹山氣。半藏雲相。  
對俱良友。清吟更不羣。却憐前度者。笙簾隔花聞。

原作

丹徒鮑之鍾雅堂

夜來殘雨歇。江閣倚微曛。遠眺千峯外。峯峯有斷雲。  
如何衆君子。不顧白鷗羣。惟有禪林客。敲棋隔屋聞。

題卞近村海嶽菴聯句圖

放艇花朝後。會游海嶽菴。歸來見圖畫。春色滿江南。竹  
籟起疎徑。梅英飛碧潭。何當同買宅。吟嘯對雲嵐。

題范桂堂放鶴圖

獨立翠厓上。放將孤鶴飛。西山青十二。高向白雲依。香  
動梅風冷。聲幽水意微。知君吟眺遠。日暮憺忘歸。

和作

吳縣

范來泰 桂堂

春色杳無際。山空任鶴飛。欲從三島去。未肯一枝依。  
泉曲流香冷。花疎照影微。何須問童子。長逐白雲歸。

蔣春農中翰招飲椒馨閣

停權遲遲江上舟。喜從三徑訪清幽。何當知愛同羊仲。  
更許論心到虎頭。筆有金焦傳著作。

時修潤州志

句空丁卯

足風流。開尊此夕花前醉。爛漫深情送酒籌。

將赴秣陵鮑根堂又招飲江齋因贈



日伴山公醉。憐愚又見招。我是愚夫可竹林澄夕霽。江

澣緩寒潮。追話昌亭權。根堂會將遊白下橋。座中知己

聚。惜別轉魂銷。

句容道上作

東風習習雲。英英春。薑滿地。芳草生。十株五株楊柳綠。  
堆煙醺水交縱橫。此行初出句容道。要展孤懷向晴昊。  
偶然得意不可名。但覺韶光暮亦好。憶昔策筇游江干。  
廿年情緒歸吟鞍。香露卷前秋雨濕。永豐橋外斜陽殘。  
回首前塵如昨夢。流水年華等閒送。水村山郭有啼鶯。  
天遠臺空無去鳳。劫來到處足幽探。好對多情舊翠嵐。

明日杏花沽酒去，澆愁遮莫醉江南。

自潤城赴金陵謁劉石巷先生道中感懷之作  
小坐藍輿曲徑通，春晴淡岩拂和風。沉沉柳色堆濃綠，  
點點花光露淺紅。百里鶯聲蕭寺外，十年鴻爪暮江東。  
此行何限依劉感，夢繞青溪佇碧空。

其二

流水知音自昔年，每思清範隔雲天。重依江左焚香寢，  
却話淮南聽雨船。

王午從遊  
江淮間

撰述敢從揚子後，功名苦

讓祖生先將因親老遊京國，此後繁懷更憮然。

將抵龍潭有作

微風綏綏送江聲。最好龍潭道上行。碧柳數重堪作障。  
青山一半不知名。閒情轉向塵中得。幽景偏從客裏生。  
晚覓茅齋投一宿。花前試看酒旗輕。

下榻官廨淡秋軒石菴先生出眎古齋卷

屬題商琦羅漢圖

一切有情夢未醒。熙熙連河上談真。經羅漢得道功乃成。  
天風環珮聲泠泠。誰其見者圖真形。形形各異俱通靈。  
四禪不縛三光清。中有至化歸元冥。高山巍峩大海平。  
白雲墮海波瀾生。鬼施神設不可名。但覺火珠照耀光。  
晶瑩變現妙相垂。寶纓驅除惡孽。搖金精無量無碼無。

所爭各有三昧。吁可驚。或搏獅子。方鬣鬣。或騎猛虎。尤  
喧轟。或乘大象。莫敢撓。或馱天馬。堪倒行。或坐蓮舟。一  
葉輕。或浮盃渡。千花明。或飛杖錫。或汲瓶。或衣壞色。或  
執鈴。越山越海。隨滄瀛。其餘一一抗手。迎或慈。或猛。因  
其情。要皆解脫。趨空庭。十方世界。諸苦并。慧劍莫破。煩  
惱城。疑謗外道。交縱橫。要撥雲霧。飛天靈。辨香羅。漢輪  
虔誠。登彼覺岸。亦有程。願將此圖。作畫屏。法輪大展。開  
懋。堪。

題趙松雪相馬圖

有元四家誰第一。吳興畫手擅殊絕。卽看畫馬天機精。

拂拂驂臨腕底出。書驚半壁蒼龍飛。夜怕虛堂雷雨疾。  
見者動色俱愕眙。驟裏嘶風十三匹。兩匹左右奚奴牽。  
一匹垂首恣飲。散花驄一匹特昂藏。若向主人邀剪拂。  
其餘九匹各三隊。隊隊超塵露窅兀。伯時過廐馬無全。  
韓幹入門馬若蹶。此圖用意將毋同。神駿鉤魂落竒筆。  
吁嗟牝牡都不知。誰知天馬真滅沒。千載獨有九方臯。  
一空皮相相神骨。王孫慨然若有思。磅礴解衣寫超忽。  
相者盡者身兼之。貌一景順見彷彿如此。龍媒世豈無。  
千里桃花汗流血。展圖不厭百回看。奈此權竒眼中物。

趙王文成公銅印印有紐其形方上刻陽明山

人四篆字石菴先生舊所藏也出眎屬賦因

成七言三十二句

先生眎我古銅印。云是王文成公所遺物。蒼然孕色大  
可珍。着手摩挲賞幽鬱。卽看高紐蛟螭蟠。規方爲製周  
四端。其中篆刻亦殊絕。史籀用筆神猶完。煌煌新建署  
名字。朝夕相隨重表識。至今百載公如生。偉畧英風想  
公志。公之講學崇良知。明心見性或有之。公之功業在  
天壤。磨崖一紀傳。當時憶昔樟樹誓。師起豹房遺。曩公  
能弭將軍重席。不曾閒日與諸生議經史。此印到處應  
提攜。排窠濕處留紅泥。蟲痕慘淡紫霞合。龍跡爛漫蒼

雲低不問金寒與石泐。壽世偏爲大雅得。區區一印關  
重輕。珍重依然仰勳德。十手對面古研旁。置之滿案生  
輝光。便當備入集古錄。先生好古今歐陽。

秦淮絕句

無妨小醉泛清卮。客裡初逢上巳時。檢點春光春正好。  
東風花放玉蘭枝。

其二

桃葉桃根憶往年。風流見說亦堪憐。渡頭依舊春波綠。  
空泛江南載酒船。

其三

青溪煙柳自珊珊。紅板橋前一倚闌。剩水殘山總可愛。  
游人還作六朝看。

其四

淚滿青衫花滿樓。生涯回首悵前遊。臨風欲借桓伊笛。  
吹散江干廿載愁。

秦中詩次石菴先生韻

函谷

六王繡壤盡包羅。秦嶺南來聳翠螺。險倚青雲九坂合。  
遠迎紫氣二關多。鴻門鐵甲師偏入。鳳闕金盤客又過。  
扼要安危須有策。休將先王怨蕭何。



昭陵

鼎湖仙去挾雲飛。人過幽陵拜路岐。夜雨空山參勁栢。  
秋風古殿捲靈旗。業歸龍鳳猶留識。功在熊羆尙有碑。  
子美經過會灑涕。謠歌願與帝堯期。

華清宮

無復深宮珠翠香。流泉鳴咽似悲傷。荔支驛外紅塵斷。  
鸚鵡枝頭碧月涼。誰譜霓裳翻席上空。餘繡嶺倚山陽。  
不堪更問朝元閣。幽草殘花古禁牆。

不窟廟 五律

鳥翼傳奇瑞。貽謀亦孔嘉。一官經窟徙。七百卜年華。薰

古雲生壁花殘火燒龕北幽遺廟在風俗足禾麻。

登長于塔

高處凝眸俯碧鷲。拂衣一笑向天風。樹藏萬井浮煙綠。  
江背三山落日紅。猶有樓臺留古寺。不堪金粉問殘宮。  
欲知六代興衰事。聽澈疎鐘衆籟空。

出長千里造高座寺復登木末亭

斜開石磴半陵嶒。乘興凌空力尙勝。清遠寺鐘催夕照。  
依微龕火坐殘僧。良游莫惜春晴晚。重度偏教客緒增。  
欲上孤亭望江色。更攀木末最高層。

賦得小園花嫩蝶初飛用初字韻同石菴先生

作

小受和風花漸舒。已憐莊夢入蘧蘧。玉奴隔歲曾相見。  
花賊玉奴腰。金谷逢春定不如。香粉細沾紅雨後。芳鬢  
溫飛卿句。輕拂綠雲初。清閨合讓幽人領。攤飯眠來樂有餘。攤飯  
攢眠

夢蝶床陸  
放翁句

同作

諸城劉壻石菴

花勒輕寒態未舒。已勾蝶夢入莊蘧。芳心久與春成  
別。雜蕊懸知錦不如。相伴一雙風。定後頻來朝暮雨。  
晴初得香何必濃。薰麝記取芳苞綻露餘。

秦淮上巳

如此春光醉一尊。客逢上巳暗銷魂。東風三月催黃鳥。  
疎柳千條挂白門。舊井莫尋江令宅。殘花猶繞謝公墩。  
蘇臺此夕誰修禊。錦瑟人應醉故園。

官廨有桃二株始開却賦

玉蘭開罷春無力。桃花猶放闌干側。一株兩株占東風。  
別有依人可憐色。香頰半顰嬌雲酣。緋衣欲染好雨含。  
紅塵不踏仙都遠。故應寂寞空江南。

青溪修禊

永和風物上春臺。士女歡聲江畔來。太守最憐禽鳥樂。  
羣賢一任詠觴開。媿無曲水王融筆。羨煞華林庾信才。

何處惠風堪禊飲，青溪十里足徘徊。

謝石菴先生惠扇

韋寢香清坐宴如，春風披拂奉襟裾。  
容吟功父廬山句，許付欽之赤壁書。  
此夕江南花放後，他時薊北月明初。  
五華六角無須問，從此懷仁樂卷舒。

秦中柳次韻

一。樣。江。南。柳。逢。春。奈。爾。何。人。行。秦。苑。晚。折。憶。漢。時。多。夕。  
照。章。臺。色。寒。雲。灞。水。波。關。前。柳。按。曲。吹。要。笛。聲。和。

金陵曲別石菴先生

金陵城外碧草萋，金陵城內黃鶯啼。  
黃鶯碧草媚春日。

一鞭入境斜陽低。江南不爲耽幽賞。爲問元亭載酒往。  
春旗五馬照金堤。藜星一杖開羅幌。連宵侍坐挹仁風。  
匝月論心證舊悰。興發每傾杯。蟻綠情深。尤剪蠟花紅。  
公今豈獨文章伯。江上歌聲安半壁。治比歐蘇更欲強。  
汗流浹籍無能役。公餘彌復愛談詩。上薄風人下楚詞。  
仙筆揮殘鯨掣海。清辭振采鳳游池。研北追隨樂復樂。  
畫戟飄香繞簾箔。祇緣欲上潞河船。未得常依淮水閣。  
憶昔從游亦有年。平生知己托深緣。枚臯宅畔尋殘雪。  
季子祠邊眺晚煙。轉聯年華不可罄。依然重聚親絃誦。  
自慚夙負青雲期。公喜今施霖雨用。握衣別去白門東。

楊柳如絲拂玉聰。他日燕臺回首望。南鴻却在五雲中。

曉發秣陵

初出斜橋石徑微。一天新雨乍晴時。人家濕翠藏雲岫。  
花市疎紅落酒旗。春暮却憐幽景合。路遙偏惜晚征遲。  
明朝又逼清明節。魂斷行人杜牧之。

清明日舟泊雲陽

雲陽猶是滯歸程。奈此扁舟古岸橫。細雨自零花自落。  
可憐今日又清明。

洛社聖女祠

水際斜開玉女祠。紅牆碧瓦見參差。花前旛動朝雲滿。

柳外竿移午日遲。聞道郵中常賽祭。每看陌上徧春嬉。  
憐余此地頻年過。愁入江南譜竹枝。

送陳永齋殿撰入都

序入清和景物妍。春風重指五雲邊。雞壇久擅無雙譽。  
鳳沼新歸第一仙。振旆潞河花散錦。飛觴茂苑柳含烟。  
玉皇香案遙相待。珥筆騰輝到木天。

其二

卿景雲星在碧霄。給騶雅望冠公朝。鶯花暫返江干路。  
煙水重廻天上船。文字大蘇真繼體。科名小宋當同儔。  
謂令弟雲。螭坳從此承。恩寵。敕賜泥金麗紫綃。

濤舍人

螭坳從此承

恩寵。敕賜泥金麗紫綃。



獨立蒼茫圖題贈范青照

山蒼蒼。水茫茫。天開鏡面浮清光。長空浩蕩見萬里。沙  
鷗野鶴隨飛翔。中有詩人清而狂。儵然獨立山之岡。風  
飄飄兮吹袂。雲裊裊兮侵裳。蕭騷短髮弄丹墨。泠泠齒  
頰含幽香。危崖斷澗可望不可到。但見秋岩颯颯飄落  
秋林黃。我聞五湖銀濤三萬六千頃。七十二峯浮翠影。  
汪洋巨浸盤蛟螭。冥冥白晝青煙冷。莫釐之東縹緲西  
是中幽遠人誰領。披圖靜對心悠哉。眼中豁達無塵埃。  
乘湖倘許溯君側。拍手大笑浮雲開。煙波一片杳無際。  
欲採芙蓉何處來。